

元和縣志卷二十三

人物

吳一鵬字南夫虎邱山塘人宏治六年成進士改官庶吉士授編修進侍講中貴劉瑾怒不進謁會編續孝宗實錄成以諳練政務爲名出爲南京刑部郎移禮部郎瑾伏誅仍爲侍講歷官至南吏部尚書致仕歸卒年八十三諡文端先是一鵬居翰林二十年不遷而以史成得南曹郎尚書侍郎資有在後者不自安一鵬抱案自若無幾微見詞色生

元和縣志

卷二十三

人物

一

平不求速榮不擇美職譬之大河不匱不盈易名文端有以哉子子孝字純叔嘉靖八年進士官至湖廣參議以文章顯常病宋史冗雜欲加刪潤未就而卒

皇甫錄字世庸其先自安定遷吳之長洲登宏治丙辰進士爲禮部郎明習國家典故一時秩宗倚以爲重出守順慶山寇竊發郡皆按甲不敢出而錄吏士大窮計旣平使者上其功而錄已報罷歸著書以爲樂錄文章爾雅萃於一門子冲濤

汧濂皆傳其學吳中稱四皇甫

顧蘭字榮甫臨頓里人嘗仕爲令矣晚慕陶處士潛因號春潛居士蘭諸生時有古文名宏治十一年舉鄉試七上禮部不中授山東淄川縣擾民敝政悉更張之改江西樂安樂安俗甚陋蘭以禮教化民民乃悅以不善事上官劾歸性廉潔在淄時當入覲徒手無一錢百姓饋數十緡力卻之及歸田廬俱廢存荒圃數弓藝竹木蒔花藥抱甕灌溉日循畦數周非風雨晨弗輟也廩至摘蔬果設茗粥

元和縣志

卷二十二

人物

二

餉之無幾微不自得意子德育字克成自號少潛家貧力學有父風孫祖辰字其武家益貧終日靜坐人與相對如遇秋潭皎月心骨俱冷文文肅歎爲聲名沉寂三隱中之最高者云

錢貴字元抑宏治十一年中鄉試正德中試吏部入格授太常寺典簿時用羽士爲卿少貴上言秩宗之任典禮樂和神人不宜參列異端致辱國體嘉靖初言太監蕭敬貪饕詐譎不宜在上左右又會萃王振曹吉祥劉瑾前後奸政事爲三宦傳上之

時中官方用事防其漸也在太常三年乞骸骨歸  
不允疏再上進鴻臚丞以寵之既歸營生壙於所  
居之傍人謂年甫踰艾不宜遽治身後事貴含笑  
謝之未幾卒君子謂之知命

黃魯曾字得之弟省曾字勉之俱吳縣籍正德丙子  
魯曾舉於鄉以易魁其經嘉靖辛卯省曾亦以春  
秋魁其經省曾一再試不中輒棄去以古文詞鳴  
而魯曾老於公車生平立志節不肯詭隨嚴分宜  
欲羅致之終莫能屈年七十五歿至是去省曾歿

元和縣志

卷二十二

人物

三

已十有五年矣所著書文甚夥惜不盡傳省曾少  
歲與其兄散金購書喜談經濟先達王文恪公鑿  
楊儀部循吉皆爲延譽王新建守仁湛甘泉若水  
先後講學省曾遊於其門李空峒夢陽以詩雄河  
洛間相與羽翼大約重交遊志古學意趣然而

有五岳山人集輿地經等書行世吳中  
稱二黃先生

王渙字渙文亦字文通正德十四年以尚書領鄉薦

試禮部不中卒業太學釋褐官嘉興府判凡三年  
改東川軍民府東川隸貴省在烏撒之西夷獠雜  
居官此土者比於投竄渙以體弱不往未幾卒渙  
博通羣籍尤工文辭作賦得漢人體詩宗孟郊所  
纂有兩音南北竒談藝林珍之

禾紈字子純號秋崖正德辛巳進士歷官至浙江巡  
撫兼福建海道請一切從軍興法詔許之閩浙間  
倭人與商賈久互市諸貴家多負其直倭糧匱爲  
盜諸貴家給其去曰他日酬汝直他日至負如故

元和縣志

卷二十二

人物

四

倭大怒而內地奸民復煽爲亂遂大焚掠紈至嚴  
通番禁犯者置重辟撫倭島六百餘人海疆肅然  
未一年朝議非之欲革巡撫爲巡視前此紈憤勢  
家庇賊上疏言去外國盜易去中國盜難去中國  
衣寇之盜尤難語稍激諸貴家之在朝者皆怨且  
失海中利必欲敗紈所爲至是御史周亮給事中  
葉鏗建議侵削巡撫權紈益憤力疾破海洋諸賊  
數獻捷乞帝窮治通賊官黨羽又疏陳明國是  
體定紀綱扼要害除禍本重斷決凡六事語侵

執政執政滋不悅會佛郎機國人連黑白諸番行劫紈擒其渠并餘衆共四百人或傳其將爲變紈令副將誅之言官劾紈不俟奏請擅殺冒功遣官按之文致其罪遂落職聽勘紈慷慨草生誌仰藥卒既卒中外不敢言海事後倭寇大作流毒東南者二十餘年

王懋明字僅初不樂仕進喜集舊聞多撰述無錫華學士察重其詩勸僑居錫山與姚咨施翼互相倡和稱錫山四友懋明心迹妙善溢爲清音其詩非

元和縣志

卷二十二

人物

五

以聲律工也既老仍歸吳中

錢同愛字孔周長洲生讀經史諸子有所得隨手劄記積成卷帙爲文竒倔驟讀之棘口不能句然思元格古子子獨造衆非笑之不顧也自宏治辛酉至正德丙子凡六試應天不售棄儒生服所居室廬靚深圖籍羅列時招良朋觴酌含醺賦詩憑軒而歌邈然高寄晚歲困於徭役得未疾無向時軒揭意然耽古學好交遊終身不變也所善徐禎卿唐寅湯珍王守王寵皆以詩文切稱古道交其

沒也文徵明志其墓

文徵明以字行初名璧更字徵仲號衡山年十六父  
温州守林沒於官吏民以千金贖徵明曰孤不敢  
以生者污先公清德郤之郡人爲建郤金亭服除  
補長洲生益勵志節巡撫俞某閔其清貧欲遺之  
金指所衣藍袍曰敝至此耶徵明曰偶遭雨耳俞  
竟不能言遺金事徵明既刻苦力學而以其才旁  
及藝文繪事正德末以歲貢生詣部試授翰林院  
待詔預修國史歲時恩賚與諸詞臣齒永嘉張璠

元和縣志

卷二十二

人物

六

父林知温州時所造士也方寵任諷徵明 之辭  
不一見而當其時適杖議禮諸臣於朝堂皆忤璠  
者遂翻然乞身歸旣歸以文翰自娛造請者日衆  
顧所許獨素交與竇人子而權門富家罕得片縑  
尤不輕許者諸王及中貴人曰此國體也先是寧  
藩以厚幣聘名下士徵明固辭或謂徵明獨不能  
爲枚叟相如耶笑不答未幾宸濠敗人服其高歲  
晚時出遊佳山水婦人穉子望而知爲文先生嘖  
嘖艷羨如是者三十年年九十卒卒之日爲人草

志石已擲筆而逝子彭字壽承號三橋嘉字休承  
號文水彭國子博士嘉和州學正皆工書嘉兼能  
畫云

張準字元平百口橋人隨父泉客輦轂下逐什一之  
利有共事者貲視準未及半中分其息不滿意準  
多與之猶未足嗾豪戚家斂而有之準怡然也後  
其人遇盜刦悉喪所有準獨無恙居家時有僕自  
都下歸報車覆計失所有五百金時準適晚飯飲  
啖自如又聞仲子舉鄉試畧不動色衆服其器量

元和縣志

卷二十二

人物

七

子冲字應和亦服賈途中聞父病乃倍道歸夜行  
遇盜砍傷其股盡祛篋中金而故人所附千金未  
失也故人子來視見創甚不敢問附金事冲云盜  
刦吾金君家金故在悉還之滂字應霖準仲子嘉  
靖七年中順天試選台州推官建正氣樓祀方正  
學以鼓厲郡人去任台人肖像祀之

王庭字直夫號陽湖舉正德癸酉鄉試當計偕不欲  
行父強之至中途忽心動返父果得疾未幾卒中  
二年進士歷南曹郎出爲甌閩按察僉事甌

閩在山海間故多寶貨庭官衙蕭然能不厭清貧也進江西參議乞骸骨歸居鄉勸誘里中後進遇不率教者身與諸子姪門人習絃誦揖讓使之感動有以他人過告者曰而不面諭之使改而傳聞人耳耶年八十乃卒

陸燾字子餘一字浚明世居陳湖之東少時謁王文恪公鏊曰子當以文章名世嘉定五年舉進士選庶吉士授工科給事中上言請開宏文館與博聞有道之士講求治術則上下之情相通帝不能用

元和縣志

卷二十二

人物

八

既歷陳數大事最後觸帝怒下詔獄杖三十尋釋之時張璫桂萼相繼入相權傾天下廷臣以議禮得寵莫敢訟言燾露章劾之謂璫剛愎自用執拗多私而萼外若寬迂中實深刻犯者立斃中歷舉其納貨賂樹私人而王瓊嚴嵩尤魁傑者帝感動爲斥二相已而詹事霍韜詆燾受楊一清指使且力言璫萼之忠帝召還二相奪一清官謫燾貴州都鎮驛丞稍遷永新縣以母老乞歸里居十八年論薦者三十餘疏俱報罷霍韜亦薦燾燾曰天下

事壞於僉人尚欲以餘波汙我耶母沒毀甚未終  
喪卒

王穀祥字祿之陸師道字子傳穀祥嘉靖八年進士  
選庶吉士改吏部考功署文選郎謫真定尉不赴  
歸後屢薦起不應膺末疾卒師道嘉靖十七年進  
士授工部主事改禮部儀制告歸後薦起累官尚  
寶少卿復告歸病瘵卒兩人出處孝行詩文著作  
及能書善畫皆同穀祥與文待詔遊師道官儀部  
歸亦遊待詔門而師道少受經於穀祥故其不樂  
元和縣志

卷二十二

人物

九

冕芾難進易退如一轍也有女名卿子能詩適趙  
宦光以偕隱終

徐禎字世兆號堯山大父源爲憲宗朝名臣禎少孤  
事母孝養盡志自厲其學年二十二登嘉靖壬辰  
進士初任刑曹郎多所平反不徇權貴人請屬以  
是拂當路意出知灤州遷貳臨江移刺袁州時分  
宜用事豪暴莫制禎縛其平頭奴首惡者得以寧  
輯及憲副廣西敕理兵務定東蘭之叛擢參東粵  
平黎人之寇世廟嘉其功將大用尋以母老道遠

不能迎養竟掛冠歸母終以哀毀卒

皇甫冲字子浚順慶大守錄長子也嘉靖七年登鄉薦弟洵汭濂各登進士第而冲尚爲舉子蹭蹬二十餘年卒冲好騎射嘗屈里中武人凡挾九擊鞠鬪雞走狗暨聲韻音律靡不擅長較論文藝海內宿儒皆爲折角及對父師執友退然若不能語撰幾策兵統枕戈雜言等書凡數十萬言

皇甫洵字子安中嘉靖十一年進士初授工部主事改禮部歷儀制員外郎在儀制時夏尚書言請建

元和縣志

卷二十二

人物

十

儲凡十疏皆洵起草儲位定言德之且奇其才會置東宮僚屬以洵補右春坊右司直言者論改官有私并誣以扈從失期因外謫浮沉久之量移南京刑部郎分臬浙東大計京官以南曹事論罷悒悒而卒年四十九蔡子木哭以詩五字沉吟詩品絕一官憔悴世途難爲之嗚咽出涕所著有少元

集

皇甫汭字子循號百泉七歲能詩四子中最著者也弱冠御史許宗魯按吳竒其才適當汭逆婦東江

以所乘巨舫給傳迎婚官吏護從至三百人時人  
艷焉嘉靖八年成進士授國子博士擢虞部郎適  
劾武定侯郭勛奪賈人金事勛誣以慢旨卞詔獄  
尋釋遷黃州司李已遷工曹擢司勳時大計有中  
傷兄孝者汭與爭辨爲言官所糾被謫家居久之  
移開州別駕同知處州遷雲南按察僉事中白簡  
遂落職汭歸詩酒自娛時偕名流宴游湖山幾三  
十年至八十乃卒有司勳集六十卷

皇甫濂字子約嘉靖二十三年進士授工部主事典

元和縣志

卷二十二

人物

十一

惜薪廠有賈人僞增數罔利濂按其罪杖之賈人  
女司空文明妾也文召濂切責濂抗言公掌國政  
奈何聽人侵冒且欲奪屬下吏守法耶文改容謝  
心實銜之大計謫河南布政司理問稍遷興化府  
同知入覲投劾不赴里居數年卒有水部集十二  
卷

劉鳳字子威汀州司李梅子也嘉靖二十三年進士  
由中書舍人拜監察御史左遷興化司李移吳興  
陞河南按察司僉事罷歸以老壽終鳳學問奧博

苦心復古所著樂府動摹古音雖塵筌未忘町徑  
猶在要之披沙求金白得風人之旨皇甫子循稱  
其明允折獄廷寡爭訟又可以想其治術焉

袁洪愈字抑之宋西京提刑使珣後珣以汴京人從  
高宗南渡卒葬長洲蛟龍浦之赭墩世爲長洲人  
十一傳至洪愈以吳縣籍舉鄉試第一成進士爲  
嘉靖二十六年授中書舍人擢禮科給事中糾檢  
討梁紹儒附和權要文選郎白璧招權鬻官侍郎  
葛守禮無行敗檢冢宰李默阿黨私人上切責守

元和縣志

卷二十二

人物

十一

禮與默下壁獄斥紹儒於外紹儒大學士嚴嵩羽  
翼也嵩怒甚然以清望莫可爲罪出爲福建僉事  
歷河南參議山東提學副使湖廣參政所在以清  
節著嵩敗召爲南太僕少卿遷太常萬歷中遷南  
工部右侍郎進右都御史時御史譚希忠建言請  
復閣中絲綸簿宮中置祖制鉄牌語侵內豎上嚴  
旨勘訊將坐以誣罔洪愈稱引典故委曲解釋且  
言邇者言事之臣每以不當聖心重加譴罰夫天  
人情易推如各以言爲戒脫有大故誰爲

陛下言者上霽容御史得薄罰進南禮部尚書旋改吏部未一歲引年歸加太子少保致仕年七十四卒贈太子太保諡安節賜葬蛟龍浦典祖墓相望焉生平以人事國薦于慎行海瑞王世貞爲名臣薦王敬臣爲名儒真特識也子一鶚廕官治中饘粥不繼以死孫徵字公白崇禎中拔貢

張勉學字益甫嘉靖二十六年進士由翰林出爲吏科給事中時陶仲文勸帝修煉授封爵勉學謂左道不當列朝臣右駁之忤旨罰俸又嘗奉旨勘邊

元和縣志

卷二十二

人物

十三

覈奏仇鸞戮中國人冒斬級功大學士嚴嵩與鸞表裏誣其阻抑邊功謫內黃丞久之量移吉安推官遷南刑部主事轉郎中陞湖廣僉事分巡長沙長沙藩府庄田房租稅特重豪奴倍收有不能償没人子女爲奴婢勉學悉平其額歲聽縣官徵解民咸便之進參議分守衡永衡永隣兩廣間威德兼施苗民懼服政府恐其內遷以蜚語中傷解任歸林居十餘年卒初在內黃時大吏重其文行延主元城書院與諸生析經義論治術造就甚多時

比趙德之在潮州云

邱宏更名鵬字志宏甫里人嘉靖二十九年進士由行人歷吏部主事戶部員外郎在吏部時尚書李默欲大用之鵬以默分宜嚴氏私人不爲所用卒未顯鵬八歲時卽能文隨父謁楊緩齋潛楊問何名曰名宏楊曰試以姓名作一破題應聲曰姓同聖人之名名同聖人之德楊曰珪璋器也旣長博通羣經尤邃易學一時名流從之游者如入馬鄭門而同里有金應徵字懋德者嘗師事宏嘉靖四

元和縣志

卷二十二

人物

十四

十四年進士除奉新令盡職陞刑部主事遷郎中恤刑兩浙全活二百餘人旋備兵贛南長寧民有倡亂者或請發兵勦捕應徵謂此屬爲饑寒所迫急之則角緩之則散乃下令諭之皆散爲良民人感其德祀名宦陟雲南參政疾卒邱無嗣凡身後事悉應徵經紀之歲時祭祀惟謹有著述必援引邱先生云云人高其行

劉畿字子京號羽泉嘉靖二十九年進士除知瑞安以九等別戶產以九則定徭役邑人便之俄烏寇

犯黃巖去邑尚遠意趣徙旁地子女貨賄納內城而增其雉堞儲糧糗募兵壯爲守備計月餘寇果至掠無所得乃遁去復募壯士並邑中子弟教之爲陸陣遏賊於飛雲江又殲賊於銅嶺以上考人爲吏科給事中進通政參議陞太僕卿遷順天府尹彈射豪貴諸奸猾不寒而慄以築張家城功進右副都御史巡撫兩浙時礦賊起婺源流劫德興玉山遂犯常山勢張甚畿疾發所部兵由衢州分三道入大破之俘斬勁賊七千餘人悉解散捷

元和縣志

卷二十二

人物

十五

聞陞兵部右侍郎未幾移病歸里卒

楊成字汝大一字震崖世居婁門外官瀆登嘉靖丙辰進士授工部營繕司主事遷都水司郎中司蘆溝橋及三殿工裁冗費數十萬內臣干請不得行咸指目之曰此強項郎也出爲浙江副使平反冤獄人稱神明隆慶初轉四川參政蜀王故貴倨監司朝王恭謹踰節成據禮爭之王不能屈復按王所侵山林陂澤悉還之民累遷廣西布政使入覲吏請如故事以羨金治裝成金也焉用故事爲

却不受萬歷元年召爲應天府尹進右副都御史  
巡撫江西時巨盜李大鸞等蔓延江楚兩省成會  
楚撫勦除之復以計平積盜葉隆盛散其黨千人  
有兩姓相格殺者顛撫名之爲賊移檄會勦成曰  
此一獄吏事耳奈何勤兵江陵有私憾於饒守陳  
適會王府盜印欲坐適罪成曰殺人媚人吾弗爲  
也時論皆以成爲正入爲工部侍郎遷尙書以屢  
失江陵意改南京轉禮部移疾歸江陵罷起南京  
吏部尙書改兵部叅贊機務時神宗御宇日久萬

元和縣志

卷二十二

人物

十六

機倦勤儲位未定罪奄張鯨睢恣不法夤緣思復  
用成率南九卿三具疏請御朝講請法祖請建儲  
請斥罪奄聲震天下疏入鯨立賜斥罷成沉默寡  
言至軍國大計侃侃不阿類如此年七十乞致仕  
疏七上加太子少保賜乘傳歸踰年復召掌御史  
臺辭不赴八十存問卒於家諭祭葬謚莊簡崇祀  
江西名宦及郡鄉賢

蔣彬字原中居城東葑門嘉靖己未進士初彬父嘗  
辱於令彬奮曰是彬不肖而令父辱乃走山中讀

書夜蚋蠅膚納足甕中寺僧閔其勤苦以魚羹進  
彬謝曰父方苦役子寧下咽乎旣成進士任蘭溪  
令時有寇警督府使者絡繹於道所過橫索彬止  
具酒食大帥過邑索騎不得取民馬去彬追及正  
色責之卒以馬還民擢官祠祭時方議薛文清從  
祀彬力贊其議新鄭相柄國欲羅致之弗應出爲  
高州守值寇屠電白州縣多殘破彬殫力捍禦以  
理論解散賊首等數千人有黎宗京者最梟勇獨  
不肯下以計擒之繫獄其子煽衆噪城下彬立斃  
卒

元和縣志

卷二十二

人物

十七

蔣夢龍字子徵號魯山樂亭令廷貴從姪也嘉靖四  
十年舉於鄉又四年乙丑成進士選臨川令署上  
考會貴遊某某以干請不遂構蜚語稍遷金華郡  
丞丞金華時職專捕盜眞盜者誅陷盜者雪臺檄  
兼理狴犴平反大辟暨城旦以下幾二百人尋攝  
蘭谿東陽及郡事具有善政擢南京刑部郎中踰  
年出僉楚臬轄武昌荆岳常沔等州 控江西寧

州沿江多盜乘颿風劫掠出沒不定而人圍山賊勢張甚夢龍戒所部扼險而守皆出奇兵擣之有平江陳尉不戒爲盜所獲告急時夢龍配沈歿官舍視殮畢不越宿行設伏山下誘賊出一戰擒賊首羅朝廣俘馘無筭羣醜讐服已仍置戍大圍山麓以絕禍本久之遷浙江少參夢龍歸省視繼母郁嘆曰親老矣吾不能絕裾而彈冠遂請終養免母喪兩臺疏薦以十數皆不應家居二十餘年卒次子鑛字公鳴中萬歷乙酉鄉薦令寧遠化猺民

元和縣志

卷二十二

人物

十八

讀孔子書猺建祠峒中稱蔣夫子云

王問臣字剡川弱冠中嘉靖四十一年進士歷官吏部文選員外郎時政府攬權欲羅致門下不往乞養歸杜門却掃幾三十年善書畫尤得寫生趣徐天池陳白陽莫能過之

袁尊尼字魯望袁子十歲通曉經學弱冠中嘉靖癸卯鄉試又二十餘年乙丑成進士授刑部主事乞南儀部改南吏部考功進郎中擢山東提學副使公却私請所識拔皆名下士特憲體不折節事

撫按緣是失巡撫意持其短察典當論罷合省舉  
子待試輦下者欲叩閭爲學使訟冤朝議留之尊  
尼意不可強致仕歸未幾卒年五十二

陸士鰲字雲和家縣治東偏賦性魯讀書非三百遍  
不成熟夏月蚊蟲攢膚弗輟也然竟以魯得之嘉  
靖四十四年成進士選承天府鍾祥縣縣世宗舊  
邸也宦豎驕橫每朔望縣令必謁見見必行跪拜  
禮宦或出郊必遠送百里外士鰲相見長揖徑出  
宦怒士鰲曰縣令雖微然爲天子牧民膝肯爲若

元和縣志

卷二十二

人物

十九

輩屈耶宦轉服其勁屢言於人曰外僚中偶見此  
官風節廉儁達於朝行取入爲刑部主事遷雲南  
道御史彈劾權貴內外慴服未幾卒於官士鰲少  
時讀書海覺寺後寺僧有干請貧無以應解一帶  
遺之僧名其堂曰遺帶堂鄉人至今傳其事

彭年字孔嘉以文行舉入郡庠不應舉學使者檄應  
鄉試年一之陪京登鍾山望大江而返詩宗盛唐  
尚格律書規撫二王文采風流與文待詔相後先  
生平無失言失色人欲試之飲之酒至醉故亂以

謹叟益恂恂溫克人以是稱長者貴溪分宜秉政  
先後聘爲記室謝弗就子立孤往天爵自尊年六  
十二歿著有隆池山樵集

黃姬水字淳甫五岳山人勉之子也少工古文詞及  
書法勉之沒兄得之歎曰吾弟不亡矣顧其子河  
水曰吾名當不後勉之乃爾不姬水若耶姬水試  
不利遂棄諸生值倭難作僑居金陵六年歸田園  
蕪沒至不能白給而所畜敦彝法物古碑版名畫  
終不忍舍晚年謝客必雅俊嗜古者始延見不然  
元和縣志

卷二十二

人物

二十

達官長者不接也詩有中唐人風格白下集詞旨  
悽惋尤爲擅場河水更名德水字清甫撰國華集  
亦有聲與姬水等

王敬臣字以道父廷江西叅議敬臣年十九受業於  
魏校性至孝父謝病歸里居三十年備極色養闢  
園亭樹花竹時延執友以順適父意父疽發背親  
自吮舐旣得瘳眩疾卧於榻下夜不解衣微聞聲  
欬聲卽躍起視安否雖嚴寒盛暑弗離也調飲食  
劑藥餌事必躬親不假手童僕父緣此向愈事繼

母如事父繼母性褊急小可泚漬疊加敬臣跪而解不得至夕不起母素不善其婦敬臣恐拂母意獨居書堂不入閨幃者十三載母格其誠待婦加禮提學御史耿定向重其行俾越次超貢趣廷試敬臣以親老辭後袁安節洪愈以真儒薦於朝授國子博士不赴詔以所授官致仕巡按御史甘士玠復薦吏部以敬臣年高請有司時加優禮詔可年八十五終敬臣十歲時節當清明卽書於几云天何以清人何以濁天何以明人何以昏長老

驚異之初受校默成之旨嘗言議論不如著述著述不如躬行故居常杜靜坐自見耿定向語以聖賢無獨成之學由是多所誘掖弟子從遊者至四百餘人其學以慎獨爲先以標立門戶爲戒學者尊爲少湖先生

居節字士貞少遊文待詔門頗得指授先世故隸織染局織監孫隆聞其名欲招之徃節不肯見隆怒誣以逋帑繫獄家遂破僦屋三四椽於半塘一琴一鶴外別無長物徃還者多山僧野樵種花之客

炊烟屢絕每之僧寺寺僧分齋鉢飯之垂二十年  
以窮死詩清瘦見骨畫有南宋人意後人時得之  
僧家楓橋夜泊詩中云變名張儉老去國蔡邕輕  
想見初脫孫隆難時也

管志道字登之中隆慶二年進士授南京兵部主事  
改刑部時神宗倦勤舉朝泄泄相臣剛愎不受直  
言志道陳奏利弊上之大要言祖制不設丞相今  
閣體禮絕則下議壅塞請有事閣臣與卿僚面議  
又言閣臣缺必翰林部寺參互而用且深惜近日

元和縣志

卷二十二

人物

二十一

直言廷杖諸臣時首輔張居正閱之恚甚曰是不  
欲使我總百揆耶何咄咄逼人又他所陳公銓擢  
釐巡察疏多詆訶主者咸造居正所言志道狂踈  
於是凡所陳列悉報罷又前此居正奪情時翰林  
徐中行趙用賢抗疏略言內則父子外則君臣父  
死不奔喪於君臣之義可知兩人並予杖時稱翰  
林二諫疏實志道共議者居正至是微聞之欲驅  
除之無路訃志道所陳釐巡察條內欲修高皇帝  
令分巡與御史抗禮度御史勢重必不可反乃

出志道按察僉事分巡嶺東諸郡實欲假手郤史也至部御史果與齟齬白簡上議勘問以言官救得降調志道竟移疾歸居正敗得罪者皆起志道如故久之以臺疏還舊官仍致仕尋卒志道務閑覽喜著遠說經處以佛教比輔之故不得爲純儒然諸奏疏固不減賈長沙陸敬輿也

顧其志字冲吾號太冲舉隆慶辛未進士弱冠登朝由南昌倅晉考功郎以廉潔著舊例水衡錢數萬率與中貴人乾沒爲利其志持風裁務節省有例

元和縣志

卷二十二

人物

二十三

金峻却之及視河張秋修堤荆南官辦事治時秦中邊郡朔方屢有哮警而靈武以東寇尤充斥適叅政秦藩卽籌要害處分符以扼其衝常單騎冒風雪自花馬池直抵靈州夜將半後騎始集城中指麾吳世顯首鼠觀變有反形詎知其狡謀白夕簡兵轉餉尋以計斬之危城得安以靈州功晉臬司賜銀幣轉陝西左藩先是採權使縱橫海內而秦中礦稅二璫鴟張尤橫其志痛加裁抑天子知其才可大任特進巡撫全陝卽奏止礦稅減織造

清郵傳察非常通商撤關緝奸禁暴而生平所深嫉者奄豎所不阿者權要撤稅令下璫怒誣咸寧令劫奪皇扛欲中以縱屬罪上果震怒逮稅監并逮令秦民洶洶其志爲分別以情實告令得薄其罪而璫之橐已抵秦賦矣時秦藩暴橫每擅殺人凌辱長吏莫敢誰何其志嚴提三尺疏陳其狀上悉按其罪一時拘繫得釋者數百人閩中回紇雜處時聚衆攻掠特提兵由烏蘭河而北入松山閱蘆塘紅水形勢奏築永泰鎮虜二城西陲以寧神

元和縣志

卷二十二

人物

二十四

廟采廷議擢總督三邊軍務啟行之日父老泣送者萬人其志威嚴若神每歲巡邊坐武帳指麾號令諸部震懼莫敢仰視馭將有法如此平生奏疏百餘多切中時弊進兵部尚書卒贈太保崇祀鄉賢子繩誥以忠烈聞

丁元復字仲心號玉陽贈御史方池仲子系出丁寬裔孫公著入吳居婁東正統間徙郡城南倉橋元復賦性穎敏書過目不忘年十二補博士弟子嘉靖辛酉舉于鄉隆慶辛未成進士 山東陽信知

縣勸農桑省徭役催科聽斷具有規呈集諸生談  
藝說經士風丕振省試入棘取士稱得人滿三載  
徵拜南京山西道監察御史首勸上講學及請停  
織造諸疏皆經國大計鹽艘集龍江關商人行萬  
金乞先發取利正色拒之亟召諸商以次給符不  
費一錢廉聲震畿甸未幾出爲四川僉事方在南  
臺時會江陵相奪情有諷疏留之者同列觀望而  
有力者主其事嗾之元復顧同列曰衆欲做官我  
亦欲做人不能爲宰相作私人也以故外轉旋奉

元和縣志

卷二十二

人物

二十五

詔裁革里居四載補福建兵巡道時江陵已病革  
矣遷浙江溫處道叅議以法戢誠意伯劉世勲驕  
橫遠近肅然適病瘍乞歸病已觀風使者薦之疏  
儿十五上不出課諸孫較論文藝一秉先正平居  
孝友兼至事親能先意承志執喪哀毀骨立名成  
後悲不自勝曰吾痛二親之不逮耳伯兒元正以  
高才早世撫其子如己子卽馬龍刺史文蔚也林  
居三十年不事私謁惟里中疾苦病民者白上臺  
去之長吳二縣門攤銀外復有家資名色請撫臺

郭公行牌永革地字三四畝徭役繁重請按院李公併二爲一至今稱便年八十五卒祀名宦著片玉齋稿子文起郡學生早卒文美改名肇亨萬歷甲午舉人南京大理寺司務

伍袁萃字聖起餘福子萬歷五年進士知江西貴溪縣嗣真人張國祥僞篆事發廉得其狀具爰書巡撫曹大野欲從末減袁萃上牘云官可罷三尺不可廢腕可斷一字不可易卒持法任六年陞兵部主事座主王錫爵再八相奏紀建儲召對諸大計

元和縣志

卷二十三

人物

二十六

時有三王並封議力引正之又疏請早建元良已遷武選郎時李成梁令第三子如楨謀掌錦衣大司馬不能拒袁萃言寧遠勢太盛其子不宜令八禁中至以去就爭事得寢旋以浙江按察僉事備兵杭嚴尋改視學政未幾陞湖廣布政司叅議權璫陳奉驕橫請於撫按不爲禮徒黨不法者懲之撫按意相左拂衣歸四年起治兵海北抑強暴釋冤滯築沿海扼要城如重鎮已引疾歸吏部移催復任懸缺二年竟不赴卒張鼎思字睿甫與袁萃

同榜進士八翰林改吏科給事中歷都給事江南水災不待奏報疏請蠲賑嘗巡視太倉詔取庫銀十萬兩具言邊餉仰給不應以供贖子上卽停詔嗣真人請帑金修壇廟上意欲子鼎思上言張道陵無功德及民唐元宗宋道君累加封爵由葉法善林靈素輩所聳愚者今縱未能裁抑奈何崇之執不與中璫出守太和山欲兼轄軍民援正德中故事以請鼎思又上疏言先代成憲宜法太祖太宗若武廟舉動皆倍於正不可法事竟不行後論

元和縣志

卷二十二

人物

二十七

臬司某貪恂爲反噬鐫級出外稍遷南太僕丞尋遷南吏部主事建儲議起禮官疏草皆出鼎思手鼎思與袁萃分處南北而計議畧同累遷浙江叅政分守金嚴衢三郡擢江西按察司入覲路過里門卒

陸檄字羽行號冲臺代居葑門隆慶四年以易魁南畿萬歷二年成進士授工部都水司主事分署夏鎮以堤東水以水滌沙水大治當事欲并夏鎮於徐淮力持不可乃已進屯田都水郎中朝廷每有

徵辦檄必稽掌故執管 惟謹中貴要人不得有  
私請歷工曹七年遷山西按察副使提督學政時  
正學不明士子影響二氏詫爲神奇檄至崇理學  
謹繩尺越禮教外者懲以法不貸不一二年頓改  
舊習每課士閱文十行並下他人歲辦者檄以月  
辦更以餘隙修地方便宜撫按器重之方擬上其  
績於朝而檄竟以不附權要失執政意族言者投  
劾歸旣歸讀書課詩以一石支門非素友不延接  
家居二十餘年卒

元和縣志

卷二十二

人物

二十八

尤錫類字孝徵萬歷八年進士分較北闈大臣以私  
請固絕之守眞定吏進羨萬餘金不受命修城垣  
并施粥以濟四方之餓者巡撫檄取例金持不與  
被劾廷議直之調襄陽旋得旨罷巡撫任在襄陽  
時清節益厲擢貴州副使播酋楊應龍反朝命劉  
綖討之錫類署監軍事時言官劾綖逗遛多設難  
有要君心部議調綖南京錫類以身家保綖得不  
調卒成平播功綖加左都督錫類晉雲南布政使  
致仕歸

吳之佳字公美晚自號虛臺萬歷庚辰進士由襄陽  
令擢諫垣自田野登朝歷官禁近遇事奮發敢直  
言神廟時太子未立禮垣數請不得尋奉嚴譴之  
佳慨然約同官張棟葉初春等伏青蒲合詞以進  
一時疏諍諸臣皆削籍之佳築歸來草堂讀書其  
中旋以病卒天啟初旌直諫功加太僕少卿少居  
齊門蠡溪口世稱竹墩吳氏及貴始遷葑溪孫适  
亦以諫垣知名

丁文蔚字仲理長洲生萬歷戊子以歲貢判南康府

元和縣志

卷二十二

人物

二十九

事潔已奉職三年遷知雲南馬龍州州故牂牁郡  
民番雜居號稱難治文蔚條五事招流亡清軍伍  
濬陂堰廣屯貯甦馬役上諸當道俱檄行之未幾  
有殺宣撫奪金牌符印舉兵反者圍緬甸等處距  
州四十里烽火不絕居民欲奔竄文蔚於龍興寺  
呼諸父老至諭以大義父老感泣乃止親冒矢石  
接戰五坡嶺拔五寨時劉綎以大軍進緬連戰縛  
賊魁獻俘闕下陞賞有差獨不及文蔚巡按周懋  
相錄其功上於朝會有

奏遂寢踰年與部

使議不合解組歸杜門著述有禮約家訓周易解  
談等書

金士衡字秉中刑部郎中應徵子萬歷二十年進士  
授永豐知縣擢工科給事兼掌六科事進通政司  
恭議因薦李三才目爲黨人京察降鹽運同知不  
赴後以鄒元標薦起兵部郎中進太僕少卿天啟  
初引疾歸卒士衡以直諫顯官給事時見中使采  
礦監稅之暴疏言刑餘無賴貪饕肆毒民遭水旱  
兵燹所在流離忍復橫征巧取以蹙之哉時邊釁

元和縣志

卷二十二

人物

三十

四起舉朝泄泄士衡疏言神京資薊遼爲肘臂薊  
鎮仗遼左爲犄角遼危則薊鎮不得獨安薊鎮危  
則京師不得高枕此忠臣義士所扼腕痛心者也  
旣甘肅地震復疏言前湖廣順天遼東山西等處  
或以天變告或以牛妖人妖告今甘肅又以天鳴  
地裂告陛下謂治徵乎亂徵乎若知其亂而怠緩  
從事是以天下戲也邇者邊軍告匱而大內所積  
朽腐自若陛下何不出帑金數十萬分給九邊俾  
荷戈之夫效死疆場哉且稅使之出有年于此矣

小民衣食不給棄墳墓轉溝壑而培克之臣旦夕  
不止譬疋羸垂絕之夫責以肩重而行千里鮮有  
不斃者也天下兵已困矣氏已殫矣外則敵人乘  
虛內則山海嘯聚一夫狂呼羣起響應當此之時  
誰爲陛下扞禦者土崩瓦解莫可收拾然後陛下  
悔之恐無及矣疏上俱不聽士衡清苦自勵作令  
時鄒元標往晤見卧具敝壞饋大布二歎息而去  
曾劾總督王象乾起釁後象乾弟象恒撫吳意謂  
弗善也已廉知士衡清介稱說不置時人兩賢之

元和縣志

卷二十二

人物

三十一

陳允堅字貞甫萬歷十九年薦於鄉二十三年中春  
官試授浙江諸暨令暨俗嫁女競侈靡中戶以下  
至不敢舉女多淹死者允堅定嫁女式踰者予上  
役其風頓息興水利爲民築堤遠近相度至夜宿  
水濱堤成民永賴之治最轉繁崇德崇邑田以塘  
東西分沃瘠歲額因之黠者以沃壤寄籍瘠區有  
司惡其詐均則起科荒民償稅至鬻賣男女允堅  
履畝丈量次第其額困乃大蘇去任後民請祀名  
宦允堅通經學士多從之每鄉會榜發吳中中式

者半門下士及 治有古循吏風班史所謂以文學飾吏治者與

楊大滌字子澄大司馬成子也爲邑諸生布衣躑步人不知爲貴公子時大儒王敬臣以理學倡道東南立說主敬大滌從之游與論難退而沉思謂始終惟慎獨敬臣深嘉起予敬臣沒後學者嚴事大滌性至孝居父母憂哀毀骨立繼喪生母年及艾猶孺子泣兄弟四人事伯兄如父仲季皆早卒撫其女嫁之歲薦饑死亡相枕藉買地掩骼歲以

元和縣志

卷二十二 人物

三十一

萬計緹騎逮周順昌并坐贓大滌置籍爲勸輸初吳人雖急順昌難猶惴惴懼及旣見大滌咸曰乃公尙爾吾屬敢後咸赴義焉子廷樞負盛名爲儒宗猶中夜立床下諄諄訓誨不少假年五十九歿婁東張儀部采曰先生庸行皆絕行孝其大源而端則其統指也因謚端孝先生崇禎初祀鄉賢王心一字純甫號元珠華陽僑人中萬歷四十一年進士授行人司行人熹宗初授江西道御史改山西道值客魏亂政心一抗疏言陛下眷念二人加

給土田明示優錄恐東征將士聞而解體况梓宮未殯先念保母之香火陵工未成強入奄豎之勤勞於理爲不順於情爲失宜嚴旨鑄級調外既皇子生加恩起巡視蘆溝橋巡按廣西天啟末忤魏闡義兒崔呈秀削籍崇禎改元璫敗呈秀 卽家起原官時方定逆案主其事者畏禍選奕逆黨不能盡除被禍諸賢亦未盡起心一上禮義廉耻一疏疏八柄臣弗善陞太僕少卿旋督餉兩粵丁外艱服闋起應天丞尋陞尹時流寇張獻忠號百萬

元和縣志

卷二十二

人物

三十三

躡廬鳳逼舒城有投策渡江之勢留京素無備心一至清馬戶甦驛遞飭江防城屬邑之無城者補軍餉之無額者屹然金湯之守賊覘知之不攻而去以功擢南大理卿晉少司寇旣以奄人餘黨柄政修舊怨冠帶閑住北京陷愍皇帝殉社稷時有同鄉官受僞職逃歸心一以檄文公討之留都破後卒於家

陵康稷字子育號衷涵萬歷四十四年成進士釋褐知江西貴溪時龍虎山張真人奸利犯科牒捕之

眞人不奉法康稷持法急浼權貴人關說不可奪  
眞人卒就 大吏重其才調繁吉安之廬陵方未  
至廬陵也養濟院羣勾與富商汪某詬詈隨搏擊  
旣解丐之甲持一尸訟汪毆殺檢驗有傷獄成康  
稷至下令覆檢甲召羣丐遮道號冤至五六百人  
輿從幾擠於水康稷念官長渠且脅制汪能死凶  
徒乎一曰攜羣勾冊籍按名給糧竟籍無死勾姓  
名令羣勾解散獨留甲問籍中何獨漏死勾姓名  
甲色變語支吾卽出汪與質康稷大聲曰殺人者

汝也甲膽落不能語一鞠卽得實蓋流勾垂死適  
會汪搏擊事拉殺之以誣汪者也隨定首從反坐  
立釋汪遠近懾服謂不媿挫張眞人者政成爲天  
下縣最議授科員魏璫因江右鄒元標李邦華薦  
惡之抑授兵部武選主事故例錦衣衛考察屬兵  
部逆璫養子魏良卿掌衛事疏言本衛爲天子禁  
內臣不應屬卿貳察下部議覆大司馬不敢議康  
稷堅執祖制不便更張疏遂寢璫益嗾之奉命省  
山陵遭魏璫於道璫奴視官僚辟行者康稷直前

竝行不受轢蹙璫益怒會廷推文選主事以名上  
矯旨落職回籍然無毫 罪可指也璫敗起主銓  
政值政府淆亂之後禁苞苴別流品人倚重焉任  
職四年以養親歸南渡後復起加太常少卿仍掌  
文選郎中事見時事日非在位者有燕雀處堂之  
勢遽引疾退年六十病卒

王佐聖字克仲大儒里人父騰程字雄飛爲王仁孝  
先生入室弟子萬歷癸卯舉於鄉教諭宣州之旌  
陽補浙之語溪薦最陞 州司李沒於官生平破

元和縣志

卷二十二

人物

三十五

產買書以爲樂多著述佐聖於萬歷壬子登賢書  
崇禎中選青溪教諭稱職巡撫張國維疏于朝擢  
知四川遵義縣地連水西諸苗苗以殺戮爲耕作  
衆阻勿往佐聖曰普天率土無可逃也遂叱馭往  
旣至噓枯摧強民大悅服相險要地名新站者築  
爲新城曰寇至遏其衝深入截其路城此可以扼  
夷吭也迺招流亡開邊屯整器械渭水以西苗夷  
多受約束者未幾賊將郭士奇吳尙才擁衆入寇  
所過焚掠佐聖督民兵且守且勦擒郭吳歸置之

獄遵人舉酒慶佐聖曰決元兇散餘黨禍乃可弭不然正未艾也居上者忌其坊弗聽條守禦十策格不行明年賊首龍正國吳尙賢帥大衆直薄城下同官竄走佐聖冒矢石晝夜拒敵賊飛梯入城而郭吳越獄應之佐聖知事急以印付子恪問道出命服仗劔坐堂上賊至拔劔殺數賊力屈遂被害時崇禎十五年四月也先是十里土司王尙明等聽訓練矜奮忠義欲爲國家殺賊聞變舉白旗進兵及新站大戰盡剗刈龍正國等遵城復完不

元和縣志

卷二十二

人物

三十六

出佐臣所計畫云

龔元祥字子禎萬歷四十三年舉于鄉崇禎辛未選霍山教諭時流賊寇江北廬鳳間所在戒嚴元祥與訓導姚允恭輔邑令爲扞禦策寇圍霍令解組綬去元祥率士民固守或勸之微服遯毅然曰食祿而違其難不忠臨危而棄其城不義平日所講者何事乃烏獸竄耶城陷整衣冠危坐賊縛去逼令屈節罵曰死卽死耳何敢辱我賊殺之子炳衡婢冬女亦遇害越五日鬚眉餘怒氣以右食指搖

心坎中爪八寸許訓導姚泣而斂之踰日賊復至姚亦死元祥嘗語門人曰位無大小皆可効忠人亦圖所以報國家利民生耳又嘗語季子曰人生當爲忠臣義士形軀有盡性靈不朽其忠孝本之性生云

陳淳字道復一號白陽山人世居大姚邨少師事文待詔詩不全佳殊已動俗特妙寫生好爲奇詭之行時南院有馬姬者慕淳畫求之不可得一日淳遊金陵變名姓訪姬姬盛供張淳故反其脂盪徧

元和縣志

卷二十二

人物

三十七

灑綃幕姬不憚淳徐爲勾研花葉點綴苔石頓覺意趣生動姬爲粲齒淳曰何如姬曰畫誠大佳可惜微似陳白陽耳淳爲大窘其畫格蓋脫去徐熙錢選之習而變其貌者子栝亦能事

陳裸初名瓚字叔裸後以字行號白室熟精離騷文選工山水一竹一石俱得古人意名流入吳者爭購裸縑素晚遁跡虎邱專於詩著有嫗解集

陳元素字古白葑溪里人晚徙墟兒巷已復返城東爲邑名諸生嘗擬解首 指策 語 觸時忌

竟抑之而四方名士益 此重其人素長身玉立  
言恂恂如不出口而德器深醇不妄臧否經史之  
外兼通藝事書以歐虞爲骨而出入於蘇米片緘  
尺牘人爭貴之其蠅頭小楷尤自珍重文定申相  
國墓碑時宰葉向高製銘矣曰必得陳君書可傳  
我文遺以脫粟三百斛其矜貴如此間畫蘭得子  
昂法曰此吾作書餘技耳蕭然敝廬不肯妄交修  
身如玉五十餘年卒